



Inatsisartunut ilaasortaq,
Jens NapátôK',
Naleraq
Maani/

Aalisarnermi pisassiissutit pillugit § 37 naapertorlugu apeqquummut nr. 170-2024-mut akissut

Ulloq: 31-07-2024
Suliap normua: 2024 - 14648
All. nr. 24400872

Inatsisartut suleriaasissaanni § 37-mi imm. 1 naapertorlugu Naalakkersuisunut aalisarnermi pisassiissutit pillugit apeqquteqarsimavutit. Apeqquut suliaasaqarfigisannit akineqartussanngorlugu innersuunneqarnikuuvoq.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
Maili: apn@nanoq.gl
www.naalakkersuisut.gl

1. Aalisarnermut inatsit nutaaq (UPA2024/35) naapertorlugu: Aqutsiveqarfimmi 47-mi qalerallitassiissutit pisassiissutit niuerutigineqarsinnaasut nammineq pigisanut (PNNP) aalisartup nuussimasani tunisariaqarsimagunigit, annaagunigilluunniit, allallu assigisaannik qalerallitassaminnik tunisiumanngippata, taava aalisartoq taanna pineqartoq:

a. aqutsiveqarfimmi pineqartumi qalerallitassanik pisassiissutinik niuerutigineqarsinnaasunik piseqqaanngikkaluarluni, inuussutissarsiutigalugu nammineq qalerallinniarnissaminut periarfissaqassava?

b. aqutsiveqarfimmi pineqartumi paggatassiissutinik inuussutissarsiutigalugu nammineq qalerallinniarsinnaassava?

1-imut) Pisassiissutit niuerutigineqarsinnaasut nammineq pigisat (PNNP) ikaarsaarfiginissaat toqqarsimagaanni taamaalillunilu pisassiissutit ilaannik pigisaqalerluni, tamaallaat namminerluinnaq aalajangeraanni taakku tunineqarsinnaapput kiisalu nammineq pisassat pigisat annaaneqarsinnaanngillat.

1a) aamma 1b)-mut Pisassiissutit niuerutigineqarsinnaasut nammineq pigisat ikaarsaarfiginissaat namminerluinnaq piunassuseq tunngavigalugu toqqarsimagaanni, kingusinnerusukkullu nammineq pisassat tamakkerlugit tunisimagaanni, paggatassiilluni aalisarnermut utertoqarsinnaanngilaq.

2. Inatsit naapertorlugu apeqquummi 1-imi taaneqartut: Inatsit apeqquut 1-miittoq naapertorlugu: Arlaannaaniilluunniit qalerallinnut pisassiissutit niuerutigineqarsinnaasut nammineq pigisaniit (PNNP) immikkoortoq 47-meersunik agguanneqareersimasunik tunisaqartoqarusunngippat, aalisartorlu pineqartoq PNNP-mut ikaarsaareernikuugaluarluni pisassaateqarsimannikkuni, aqutsiveqarfik tassanerpiaq angallatiminik inuussutissarsiutigalugu qalerallinnik

aalisarsinnaalluni tunisaqarsinnaanissaanut arlaannaatigulluunniit periarfissinneqarsinnaassava?

2-mut) Apeqqut 1-imut akissut takuuk.

3. Inatsit naapertorlugu apeqqummi 1-imi taaneqartut: Inatsit apeqqut 1-miittoq naapertorlugu:

Naalakkersuisut tamarmiusut isumaqarpat, inuussutissarsiutigalugu aalisartut PNNP-mut nuunnikut, Aalisarnermut Naalakkersuisup arlaleriarluni oqaatigisai malillugit “kiffaangissuseqarnerulertut”, naak pisassiissuseriaatsimut tassungarpiaq pituttorsimaneq patsisigalugu allatigut inuussutissarsiutigalugu qaleralinniarnissaminut kiffaangissuseqartumik toqqagassaqarsinnaa-tifaajunnaaraluaruurtut?

3-mut) Aap, Pisassiissutit niuerutigineqarsinnaasut nammineq pigisat annertuumik kiffaangissuseqalersitsippot paggatassiissutinillu aalisarneq eqqarsaatigalugu aalisarnermik patajaallisitsillutik. Aalisartuq pisassiissutit niuerutigineqarsinnaasut nammineq pigisat ikaarsaarfiginissaannik toqqaasimasooq taamaalillunilu pisassiissutit ilaannik pigisaqalersimasooq, piffissap qanoq ilinerani pitsaanerpaamik aalisarnissaminik pilersaarusiornissaminut kiffaangissuseqalersarpoq, ukiumoortumik aalisarnissaminut pisassiissutit ilaannik aalajangersimasunik peqarami tamannalu aallaavigalugu ineriartortitsinissaminik pilersaarusiorsinnaalluni. Taamaalilluni pisassiissutit tamakkerlugit pisinissaat sioqqullugu aalisartunut allanut unammissanngilaq, kisianni aalisarneq pitsaanerpaanngoraangat aalisarsinnaasassaaq ukiullu tamaasa pisassiissutit ilaannik nalungeriikkaminik aalajangersimasunik peqartassalluni, taakkulu aallaavigalugit aalisarsinnaassaaq pilersaarusiorsinnaallunilu. Pisassiissutigineqartut tamakkerlugit pisininnaanngikkunigit, ukiup tullianut taakku 25 %-ii tikillugit nuussinnaavai imaluunniit ukiumut pisassiissutinik pigisaminik 10 %-it tikillugit tunisnaallugit, taamaalillunilu pisassaminik nalilimmik sulii pissarsisnaassalluni.

Tamatuma saniatigut aalisartuq pisassiissutinik niuerutigineqarsinnaasunik nammineq pigisaqartoq pisassiissutinik qularnaveeqqummik pissarsisnaavoq, assersuutigalugu angallammik imaluunniit atortunik nutaanik pisinissaminut atugassaminik kiisalu pisassiissutit ilaat pigisani kingornutsissinnaavai imaluunniit aalisarnermit tunuarnissani kissaatiguniuk kinguaariit taarsernissaannik aallartitsisnaalluni. Naggataatigut minnerunngitsumilli, aalisartup pisassiissutinik niuerutigineqarsinnaasunik nammineq pigisaqartoq, soraarninngornissamik kissaateqaleruni pisassiissutit pigisani tunissallugit toqqarsinnaavaa taamaalillunilu aalisarnermut akuujunnaarnerminik aningaasanik pissarsisnaassalluni.

Taamaattumik aalisartuq pisassiissutinik niuerutigineqarsinnaasunik nammineq pigisaqartoq kiffaangissuseqarneruvoq, tassami patajaatsumik aalisarami pisariaqartitsinilu malillugu tamanna naleqqussassallugu kiffaangissuseqarluni, matumani aalisartup periarfissaanik sunniisartut, aalisartut amerlassutsimikkut tamarmiusunut taakkulu pisassiissutinik pisinartagaannut taarsiullugu.

Inussiarnersumik inuulluaqqusilluta



Kim Kielsen
Aalisarnermut Piniarnermullu Naalakkersuisoq